

即鄒賁鄒育傳臣本師符法師名天信至臣
 有功傳于今矣然華蓋者是三清應化虛無
 之境獨有虛皇靈壇即無道流居止故時人
 不知有華蓋之名今舉經錄大畧之由昔老
 君周昭王二十五年十二月二十八日午時
 授關尹道德二經及太清九丹八天隱文西
 昇教誡等法尹付杜真人真人付小尹真人
 此乃道德自然之始也至漢靈光二年太
 極徐真人於天台山授太極左仙翁真人靈
 寶衆經是謂洞玄洞神衆錄之祖也又後漢
 順帝漢安元年五月一日老君降鶴鳴山授
 張天師二十四階秘籙印等及於玉局觀授
 延生斬邪之術是惟正一盟威之宗也伏自
 周秦漢魏之間三經雖傳于世而科品未彰
 至晉衷興寧二年甲子正月先農日紫虛元
 君南嶽夫人始以上清授東華上佐司命楊
 真人彼時天經實文並作雲霄龍篆八會之
 體非世間可得而究識焉真人別有符文經
 訣變作隸書自此流傳方盛是為上清之祖
 也獨吾正法出于大宋盛時木山有橋仙觀

靈跡儼然是也悲夫不得其人漸失宗旨臣
 受持在末濫領條綱法衰微諦承師訓親
 受太上四階經錄秘要符文豈敢不精思運
 神實恐罕員先聖故將所得妙道重刪天心
 正法一部分為上下二卷仍畧今時法師所
 用符呪皆是北帝符別作三卷名曰北帝符
 文在正法之外及修三洞四階實錄秘譜為
 傳教修道之士其出者錄度脫舍生同歸大
 道矣鄒有功撰

正一天師清微弟子洪百堅
 道教學術資訊

上清天心正法卷之一

三光正炁

三光者日月星也日君炁以本日採炁時其
 方取也存見日輪光芒如赤火色月君炁以
 日日常加卯五日兩宮移如每月初一日便
 從卯上起卯午時正在午上初二日亦同初
 三日午後退過寅如午時便從寅上起卯至
 已上見午時即是太陰在已存見月宮光芒
 如煖玉銀色天罡炁天罡星約離斗柄三丈
 餘詩云月月常加戌時時見破軍要知端的
 處向背問元因以月辰過將加戌未過將加
 亥數過取炁時乃是天罡建破軍之所向背
 者乃陰陽目存想也陽日天罡正面行面如
 炎火色身衣紅羅衣頂上有青黃紅三色赤
 口吐火光萬丈左手結天罡殺鬼印即右
 手執寶珠隨炁收入口中任意發用存見火
 光細如絲霧燥燥有聲灑灑其身陰日天罡
 反面行面如煖玉色身衣素羅衣頂出青紅
 黃三色赤口吐銀光萬丈其細如絲燥燥有
 聲左手結印又腰右手仗三昧火絢存畢隨

炁收入口中任意用依此萬無一失不可輕
世戒慎之焉

請服太陽炁

每以日高三丈時數日辰方望太陽焚香
心拜九過默云臣某上告

日君太陽帝君日官神仙聖眾願降瑤光真
炁灌注臣身中

次拍卯文默念日君內諱昔依二字九偏
存見真炁畢即默念日君七殺呪曰

唵縛囉囉囉囉唵

一偏鼻引青炁九次一吞如此九偏吞炁
九口訖心拜禮謝而退

請服太陰炁

每以月高三丈時兼太陰在何方焚香心
拜九過默云臣某上告

月府太陰皇君月府神仙聖眾願降瑤光真
炁降注臣身中

次拍酉文默念月君內諱昔依二字九偏
存見真炁畢即默念月君七縛本身咒
唵縛囉囉囉囉唵

一偏鼻引白炁九次一吞如此九偏吞炁
九口畢心拜禮謝而退

請服天罡炁

每日高三丈時兼天罡在何處焚香拍辰
文默念呪曰

日靈月靈斗下交并天罡正炁來灌我形出
邪入正永保長生急急如律令

念三偏存見天罡心拜九過默念云臣某
上告

天罡大聖破軍星君願降瑤光真炁灌注臣
身中五臟六腑三百六十骨節之內八萬四
千毫竅之中驅逐病炁鬼炁呪曰

年災月厄日災時厄驅邪邪走驅穢穢亡眾
神扶我身入魁罡人歸依鬼歸降急急如律
令

默念一偏次左辰文右劔訣念天罡正炁
呪曰

天帝釋章佩帶天罡五方凶惡之鬼何不消
亡飛光一吸萬鬼伏藏天罡大聖殺入鬼心
急急如律令

念三偏引炁三口吞之再念天罡內諱飛
仙二字三偏取炁三口再念隱呪曰

吞呼咩囉囉唵

取炁三口共九口吞訖再拜九過禮謝而
退

凡法官若能請三炁日夕不怠千日功
成滋悅顏色壯體輕身免諸百病若終身
不倦漸入仙真功力難可盡言若只服得
千日凡遇治病不用算取方上存想但只
一念布炁吹於病身自然安愈萬邪降伏
可不敬乎

治病行符

凡救民疾苦驅邪治病接投狀僉押訖次
於神將前禱祝將吏仍先令本人家備香
等候觀去如是頑祟須變神步罡先從本
壇發速單去指揮單定鬼祟次發神將幾
負帶領精兵前去收捉次第方可出門臨
出門時先於法壇內叩卓三下雙手玉清
訣念唵字七聲存諸神吏都在面前次第
將帶而去遙望見患人家時便下近單指

揮訖左手捉鬼訣右手劍訣望北吸炁一

口呪曰

吾呼四聖急捉將大急為吾前去捉下邪鬼
毋令走透疾疾

次發訣存四神將帶兵前去同捉收邪鬼

連訣吹去次到本人門首丁立本默念

呪曰

開天門封閉地戶如留人門神塞鬼路橫
金梁豎玉柱收罡炁拍斗訣糾眾神
藏萬鬼滅急急如律令

次剔斗蓋頭藏身口念手拍曰

貪巨祿文廉武破左魁魁魁魁魁
雙手天丁訣大指拍中指偏想正一真人

在前次存念

東方青帝君佩劍立吾左西方白帝君佩劍

立吾右南方赤帝君佩劍立吾前北方黑帝

君佩劍立吾後

復存當院神將吏兵結陣圍繞如果是強

祟精靈拋靴物石即再加護身法呪曰

謹請西方明月太子遂差五伯鐵大慘賢都

在我邊吾奉北帝救急急疾疾

次西面存明月太子侍從五百白水道人

頭戴鐵冠手把劍念呪三偏取炁三口吹
於左右次念呪曰

北斗之神蓋護我身急急如律令救攝

再存北斗蓋頭上則百邪不敢犯次入病

人家左殺右劍叩門三下指揮門神不得

縱容鬼祟走透速疾疾次病人房門令
本人置香茶訖變神步罡入斗罡中藏身

默告召將指揮勒令喚召土地捉祟燒符

熏患身或不燒符隨意指揮捉祟託法官
吸患人炁一口却更取水一口喫病人身

左局邪訣於脇下右劍訣令患人閉目香
熏其手喝去男祟左戰女祟右戰是鬼則

戰吾奉上帝敕如此行持有祟自然捉縛

送出也須備符水之屬給與吞服次為念

呪淨身託法官閉目三度左右雷局念都

天大雷公呪一偏吸東南方紅赤雷炁一

口吹去存為五雷電光閃雷用兩雷局打

去存霹靂打破病人家化為神仙宅宇金

階玉殿人皆化為神仙方可離本人家去
感應桴鼓秘之

上清天心正法卷之一